

長樂縣志卷之五

知長樂縣事安成賀世駿編纂

學校志

學宮 泮額

祭器 學租

射器 書院

書籍 鄉飲

射圃

經國多方教養為本故桑麻樹藝以厚其生即三物六行以正其德學校所以教也長邑之學建自唐乾符四年維時風氣初開尚在草昧歷宋四先生講學海濱朱紫陽倡明正教理學醇儒後先繼起蓋彬彬乎文物也延及元明之末疊遭海氛人有播遷之艱士無居業之樂頽壁鐘鏞幾為茂草我

長樂縣志

卷之五

學校志

一

朝鼎興崇儒重道臨雍憲乞比隆虞周長雖僻陋然荷列聖之漸摩被作人之雅化敦詩說禮戶誦家絃視前哲何多讓乎志學校

學宮

學宮在縣治南之左創自唐乾符四年宋慶歷中圯歷年繕治弗就元祐三年縣令袁正規亟議修建邑人林通作縣圖經貿錢二十萬贊襄其事富民相與資助之新 宣聖殿及殿後堂堂之兩序十二齋崇寧初增置五十三區元至正中復圯儒生林文壽等重建易其額曰 大成殿明洪武十五年

知縣邱宗亮如制鼎建殿堂齋舍燦然具備永樂中學之西
邊柳樹有榕寄生其上訓導林慈于兩廡之背各建一軒扁

曰朝陽瑞榕

林慈記長樂邑學之西偏有古柳一株高二丈許忽榕子寄生其顛歲月既久柳日衰而榕日

長恍然若有鬼神培植之者柳之幹卒為榕膚所包焉時有
識者見而美之以為諸生登第之兆于時吾黨士子樂聞其
言而識之厥後三年大比陳生全計偕京師廷試果為榜眼
又三年馬生鐸廷試狀元名振天下其領鄉薦中甲榜者難
一二計諸庠生始悟曩者之言為有徵於是相與名其軒曰
瑞榕請余文以記之余曰傳不云乎善之將至有開必先
降時雨山川出雲物之瑞事之徵也况賢者懷材抱藝乘時
而奮感風雲依日月為邦家太平之基則瑞之兆也固宜抑
嘗稽諸航乘在昔唐季時民有崇信大雄氏建造南山寶塔
成金碧峯堯有登而嘆曰此佳識也官筍生矣吾邑公卿文
士由茲而盛後果如其言今瑞榕視官筍識為尤佳矣吾黨
後生誠能追前人逸駕勵志懋學以奮發乎文章吾知其數

長樂縣志

卷之五

學官

二

對大廷禮樂三千狀頭及第之選非吳航庠諸髦俊天順中
之屬而誰屬余雖老矣尚當傾耳以聽拭目以觀焉

知縣任衡重修廟學成化中知縣羅敘撤明倫堂而葺之以

治辛酉知縣王渙重修

邑人陳潭記學以儒名遵儒道也羣士于學業儒術也儒之道所以範世

紀俗植人極造斯民天地萬物舉賴是而安者也外此則異
端小技君子有弗事焉者矣士而講訓詁組文詞為釣名媒
利計已非國家待用之意矧樂習業于家遷奪外務荒惑心
志於學制殆若虛設然烏乎其可長樂古名邑學在縣治南
距百步許創自有宋元祐間而我朝因之夫何地址淺隘規
制隄陋至校官住生舍而弟子員僦居民屋兼之圯敝相仍
幾就荒落弘治戊午象山王侯渙以進士令茲邑曰學廢不
脩令之責也隨葺講堂尋建樵星門以歲儉費窮輟工以待
歲辛酉御史陸公亦以學敝不足庇士令校官具脩理狀而
檄有司為之明年王侯考最還任曰此吾夙志也于是脩兩
廡次戟門次學門次生徒號舍及內外周垣敝者治之缺者
完之暗者鏤飾之壞且甚者畢撤而更作之復購東偏民地

若干步南向爲屋三楹以廣教諭公廨西向爲屋二區區各六間以爲訓導公廨戟門之東立鄉賢祠旁隙地爲倉屋凡布畫位置曰必方必正毋令他日改爲也度工量材曰必堅必緻毋煩後日更作也諸役與費悉出於官而一不以擾民經始于上年五月畢工于今年之三月由是講誦有所激勸有所舉百數年積敝不匝歲而一新之侯之功何大且速哉諸生曰侯爲善政以活我民又爲此學以嘉惠我士子不可使厥功德無傳于時教諭潘君援貳教鄭君諤方君彰以記筆屬予且欲勵諸後人於戲侯德若功已識于人口而鐫于民心奚以文字爲哉蓋侯以名儒吏民故無人無我處官猶家而成功裕如也使爲政皆心侯之心何以事功不立爲患哉雖然爲國育才有司職也積學待用學者事也儒先謂宇宙間事皆吾分內民物之責有身則有之雖吾分有與焉與否顧上之所以養我而待於我者在是我之所以爲學而求副乎上之所以待者在是使惟掉筆墨徼利達而實無益於民與物甚者又從而戕之國家積歲而教其所望於我者何如而顧以是應則奚貴乎立學校養士爲哉長樂人才素爲吾閩冠先哲之茂德偉功足爲邦人勸者具列鄉賢祠永樂

長樂縣志

卷之五

學宮

三

間陳公金榜眼第馬公鐸李公騏相繼登狀元第自後掇巍科躋臚仕以儒術效于世者後先相望今學改舊觀士氣益振凡游斯歌斯者必磨刮奮勵與前哲爭高期無負於聖朝建學之意與賢有司興學之心也苟徒趨逐時好務浮誇而乏實用不知於國家教學之意何如

正德十四年災御史沈灼檄知縣曹鉉更

建中爲 聖殿翼以兩廡其南爲戟門又其南爲櫺星門門

內鑿泮池而橋其上嘉靖初奉制改 大成殿爲 先師廟

建啓聖祠在殿之東祠前建敬一亭亭前鄉賢名宦二祠廟

之西爲明倫堂附堂二厦爲兩齋東曰居仁西曰由義西齋

之旁有會膳堂東西號舍各五間其前儀門又其前爲儒學

門倉房神厨在儀門右教諭廨在敬一亭左又構民地拓建

訓導解二所一在教諭解之左一在儀門外之右並有廳及寢室各三間櫺星門之東備有牌坊舊匾曰泮宮嘉靖二十四年教諭劉洙潤闢路往來名賢路四十年殿之戟門將圯知縣戴時望復重創焉學前向苦民居蔽射司馬陳省嘗欲捐金去之萬歷四十三年知縣萬編與教諭袁文紹始定界拓屏門于櫺星門外周垣方整形勢軒豁郡人侍郎董應舉記樂之人文昔蓋冠於吾郡蓋其風俗禮讓儉勤敦篤廉耻之教不替於先民學士大夫相觀相摩束身若處子母敢軼越故教成而俗美士慤而文興彬彬大魁名卿貞標亮節相踵于前後其教使之然也其後寢不如前或者歸之學宮之形勝變易夫形勝之說誠有之然其興壞得失亦若與風教相乘其興而壞壞而興必皆有人焉爲之而氣運亦隨以轉若天有以使之然

長樂縣志

卷之五

學宮

四

者吾嘗與樂之人士游考覽學圖推其所以得失之故蓋溪東餽而路斜飛水既反跳而學前民屋蔽射皆非昔日之舊其故蓋難言之司馬陳公省持士論歷請當道脩改袖金爲資莫克復舊郡守喻同守鄧先後親勘大不利於陳李二家李願受金折屋去學之燕矣獨陳憤加侵地之名於其父大與諸生爲難不得解時司馬亦捐館事幾寢起部蔣公奮曰斯非關通邑文運而吾敢憚力遂白督學馮公集合同志李公庭模以署邑唐侯所文界刻日拆正於是學中矢射反跳虧蔽之害始去十七八而蔣幾見螿會萬侯至毅然圖成割溪歸學標以界石復橋于巽鎖水偃流與掌教袁公文紹極力從事追尋舊制參厥新規設屏門于櫺星門外垣于學門坊于廣術軒豁帶抱實壯前觀又欲濬流引邑前水與東溪合興作捐助計不全勝不已諸生懽咏鼓舞請刻圖於石垂示永永而求記於余余向謂形勝之說與風教相乘觀諸生士大夫今日之意氣或庶幾乎作之仁侯協以良傳若天湊其會以大昌斯文者復往昔名卿大魁之盛將於是乎始不佞無詞以贊敬陳師友腐語用規于多士曰聖有完學請復其心宗廟百官之富美皆在是毋令蝕焉不如數仞之宮墻

也知縣萬編記儒學在縣治東南首癸趾丁左爲聖殿右爲明倫堂制獨異于他邑其堂宇廡署仍舊質者不具論其新闢者櫺星門舊制視儒學門稍却今移前數武與之並峙偶以颶風剝落隨重建馬門以內左爲賢路右爲儒門賢路之左爲名宦鄉賢祠祠無藩屏似在宮牆之外今垣而居中泮池舊在櫺楹內今議改明倫堂前與聖殿相襟帶掌教與東齋廡向無便門俱從大殿出入今新闢於名宦鄉賢之前殿前建大成坊一座列以賁鏞以禦東屋之飛射外列兩坊左曰翔龍右曰起鳳南有隙地濶六丈深二丈五尺介在陳李二家之間皆學宮址也扶闌而閑之復達道橋于巽方引溪水注下爲龍門池水不欲其直出爲牆以控之題曰鯉化池由內河滙江河岸俱係新濬較往昔倍濶議者猶欲加濬令可通舟楫引馬江之水達于泮宮則尚有待云橋邊豎以掖垣題曰萬仞宮墻以捍東街之衝突墻以東舊爲興賢路今復其坊爲興賢坊東墻因迫于溪河故稍曲而前西墻亦審曲如東式外有餘地蓋小屋三間官廡後店屋四間雜于市廛今改拆方正墻外隣溪原有路通達道橋今蓋小屋一間塞之其屋俱賃與居民歲牟其入以供公費學前新

長樂縣志

卷之五

學宮

五

拓之地東西自轉曲處取中前濶十九丈四尺深三丈四尺後濶二十二丈六尺深六丈八尺大成門前有通衢自縣前直下由起鳳坊橫亘而東遶南抵達道橋皆新得李陳二姓地所增廓者經始于癸丑年冬十二月落成于甲寅年秋九月厥功既成觀者胥慶謂四十年來所曠觀故因繪圖而詳書之庶嗣來者知脩復之艱按圖可鏡矣崇禎十

三年垣圯知縣夏允彝脩築十四年仍將泮池開廣四尺深

五尺引馬江之水潛通其中重葺垣墻詳在城池開河記國朝順

治四年燬于寇六年知縣呂鳴純重建提督學院宋記別見康熙三十

六年署教諭陳夢齡重脩有記余性懶才疎自分與冷署相宜可以偷閒藏拙無如司鐸閩清

見其荒城寥落學宮殘毀則又不能自安方在經營補葺突遭暴水爲災新舊盡圯甫平寧亟脩聖廟洎啓聖名宦鄉賢諸祠以及明倫堂敬業二堂官墻門廡神主祭器百凡脩飭皆獨力爲之此梅溪士庶所共見聞者也去秋謬叨憲

檄兼攝新寧學務初至謁 聖見廟堂頽壞視闕清殆甚則更惻然于中若難頃刻緩者乃屈文武闈期迫奔走不遑迨竣事回署粗葺衙齋稍得棲止立進諸子衿爲脩理計人咸難之謂蕭索冷檀橐無長物而諸生亦多屢空則力難荒旱餘糧騰貴如玉而十人九枵腹則時難且事權不屬日出直募功少不應其求朝作而夕輟則勢尤難况余以五日京兆爲期至慙求成務速不又難之難乎惟思一日居官當供一日之職實不敢以難自沮因計決爲之乃罄橐中所有不惜盡捐而諸生亦欣然以秋季廩餼佐之於是請諸上臺得報可遂推諸生之優于綜理者林生廷謨李生建基鄭生國球江生峰青鄭生純仁陳王天輔等數君董其事俾通邑紳士各隨其力所及而余更省學中諸公費悉充焉相其緩急以次經營先及圯墜之廟貌次及盡頽之東廡將傾之西廡繼而戟門以飭櫺星門以新黉聖丹雘 聖廟始煥然改觀矣顧啓聖名宦鄉賢諸祠已將委地而明倫堂猶在露處豈至聖所自出名賢所游處可置之如遺而鼓鐘絃誦之地可聽其鞠爲茂草乎更相與努力成之蓋三閱月而又就緒也余非敢自以爲功特紀其本末以敬告後之同志者願其隨

長樂縣志

卷之五

學官

六

時補葺以不墜成勞則 聖賢 四十年署知縣事張植重脩之妥備英材之蔚興永賴之矣 邑人江雯記天下之治統夫道天下之道統夫學而集道統之傳者惟孔子故自三代以來所在郡國皆有學而漢唐以來學必建 文廟以祀 至聖蓋所以養育人才宏敷教化迪多士以禮樂詩書之業納斯民於倫常軌物之中甚盛典也我

皇上懋昭至治振興文教尊崇

先聖先師之典視漢唐有加而吾邑 文廟當兵燹之後幾數

十年棟折榱崩日就傾圮歷任因循罔克脩葺春秋朔望使邑大夫與博士弟子員踰躑濟濟偃僂罄折於頽楹敗垣之下其何以肅觀瞻崇聖道仰副

聖天子右文至意前署學陳素園先生實葺治之而在事未久僅免頽頹嗣學博陸先生悉心經營五載而明倫堂學舍始告完其於大殿以功大費鉅未遑也今夏建州司馬張公來署邑事洞察民瘼留心吏治甫下車瞻謁卽以重修爲已任同陸先生集諸生召匠人程材鳩工度所需若干而捐貲以爲之倡首

聖殿次兩廡次二門次櫺星門次周垣其治材必堅其加功必固役不煩民凡兩閣月而竣事制弗改於其舊而梓材丹雘巍然壯數仞之觀猗與美哉夫長民者豈徒以急簿書期會之間爲能其所以承流宣化必以教化爲先務樂邑素稱鄒魯而學校廢於上則絃誦詩歌輟于下今昔易感母亦惟是長民者實使之然今公來蒞是邑百廢振興而獨以興學爲首將記所謂師嚴然後道尊道尊然後人知敬學菁莪棫樸之化必有重見昔日文物之盛者而人倫明於上則小民親于下俗之易治實在乎此此公之大有造於吾邑而吾邑長戴公與陸先生之德于不衰也將陳先生一片留心學校至意併傳不朽矣因

勒石而爲之記

雍正十二年知縣殷鳳梧倡建後殿其餘

亦皆脩葺乾隆二十四年知縣賀世駿倡捐脩後殿鄉賢祠名宦祠忠義祠明倫堂重建崇聖祠奎光閣戟門外砌東西墻直抵照壁左右開兩門左內曰禮門外曰江漢秋陽右內

長樂縣志

卷之五

學宮

七

曰義路外曰金聲玉振照壁曰萬仞宮墻照壁外爲省牲所旁豎下馬碑襄其事者邑紳衿鄭振武鄭純滋林乾陳兆禮鄭鍾鄭秉藩鄭湘陳兆贊林泰鄭良倌鄭良鈞也

進士林調燮有記見

藝文

國朝康熙二十三年

聖祖仁皇帝頒御書匾曰萬世師表雍正三年

世宗憲皇帝頒御書匾曰生民未有乾隆三年

皇帝頒御書匾曰與天地參

崇聖祠舊名啓聖祠在

文廟東明嘉靖九年知縣曾銑建

國朝雍正元年

詔封

先師五代王爵祠改今名

名宦鄉賢忠義三祠在 崇聖祠前

奎光閣舊在東關外梅峰寺西畔康熙壬子移建于 文廟

東乾隆十三年圯二十四年知縣賀世駿重建

明倫堂在 文廟西兩旁學舍各五間中為儀門前為儒學

門祝

聖道場原在南山三清殿今移在明倫堂後

互見天后宮及古蹟

長樂縣志

卷之五

學官

八

教諭署在儀門外西

訓導署寓明倫堂西乾隆二十六年訓導范光表在西畔捐

建敬業軒

見賓館在儀門東

省牲所在照壁對面

祭器

正德己卯廟災煨燼之餘所僅存者

銅爵一百三十七 銅香爐五

銅花瓶四

銅盥盆一 錫盥盆一

錫酒罇二

錫小香爐十二

嘉靖戊申知縣吳遵教諭劉洙潤因剝落重造

邑人陳大濩記祭器有記

其昉於古乎昔周公旦紀六彝大夫郝銘尊敦凡以崇祀典耳况先聖廟祀尤我國家所最重者伏觀大明會典祀先聖禮織悉備具又按一統志長樂儒學自洪武中重建實我太祖崇儒興學之始於時文廟祭器悉如會典所定刻聖繼統祀典益隆視昔益壯觀至正德己卯歲以畢方作祟登銅簋簋既于煨燼其銅器所存者惟爵一百三十七香爐五花瓶四盃盆一錫器所存者惟盃一酒爵二小香爐十二木器所存者惟小方盤一百二十條盤二十帛匣九其邊豆各一百八十六皆蠹朽不堪用每遇春秋之祭輒以磁碗代之如是者二十八年未有一整頓之嘉靖丁未歲教諭劉洙潤謀于訓導伍鑑何良弼曰我朝祀先聖禮極隆今祭器殘缺非所以承德意也况啓聖祠實我皇上所肇建而祭器尤不可無遂請于察院及提學道俱如擬廼委典史林洞估計准支官銀五十七兩為工費資時縣丞馬堯民適管其事是歲十二月經歷熊曦攝縣事謂茲舉為有司首務凡百綜理罔不殫厥心然尚未就緒也戊申歲春二月知縣吳遵始到

長樂縣志

卷之五

祭器

九

任於是鳩乃工庀乃材督乃程既閱月乃底績凡造過登六銅二十二簋各四十四爵五十六香爐四俱以銅為之酒罇二以錫為之邊一百八十六以竹為之豆之數亦如邊燭臺一百四十四帛匣十六大方盤二十五俱以木為之又于文廟兩廡置磁香爐二十六及供桌二十皆煥然一新蓋經始于嘉靖丁未之二月而成于嘉靖戊申之三月也事既竣知縣吳遵集教諭劉洙潤等謂先聖廟器非勒石無以示崇重乃以始末緣由及所置件數屬大濩為之記使典守無遺忘焉大濩拜稽首曰猗歟休哉夫茲舉也教諭劉洙潤倡始之訓導伍鑑何良弼協議之經歷熊曦綜理之縣丞馬堯民主簿孫佑典史林洞贊襄之知縣吳遵督成之遂使累年曠典一旦鼎新誠盛事也然非諸賢則不能成功茲亦艱矣石其可無勒耶雖然亦存乎其人焉耳繼自今凡官茲土者其相與慎守之以無負我國家崇奉先聖至意則茲石也可以垂不朽矣

銅登六

銅劍二十二

銅簋各四十四

銅爵五十六

銅香爐四

錫酒罇二

竹邊一百八十六

木豆一百八十六

木帛匣十六

木燭臺一百四十四

木大方盤二十五

慈香爐二十六

供桌二十二

射器

年久朽壞隆慶六年知縣蔣以忠增補

壺

勺

爵

觶

斯祭

俎

邊

豆

洗

篚

劉志

所載石磬燬于火今石磬係正德十六年原任知縣曹鎡巡按直隸舖遞所寄

鼓

琴

瑟

笙

和

侯

乏

旌

弓

矢

决

遂

朴

物

楅

韋當

鹿中

筭

豐

以上所載祭器射器照夏志錄入

長樂縣志

卷之五

射器

十

國朝所傳祭器歷久弗備射器則闕如應卽補造

書籍

十三經十七史並弘簡錄通共五十七套總計五百六十本

御纂欽定易經書經詩經春秋共四部

三禮義疏一百八十本

學政全書二套

明史一百本

孝經註解一本

性理精義一部

朱子全書一部

小學纂註二本

近思錄集解二本

大學衍義輯要二本

大學衍義補輯要六本

四禮初稿二本

四禮翼一本

呂子節錄二本

養正遺規一本

教女遺規一本

訓俗遺規二本

從政遺規二本

在官法戒二本

豫章學約一本

射圃

射圃在學西南二百餘步南山塔下明建文四年知縣王遵道創立長一百步廣六十步中建觀德亭三間歲久廢弛地沒于民隆慶三年知縣蔣以忠復之仍建觀德堂前為正志軒

長樂縣志

卷之五

射圃

士

軒之兩旁廂房各三間稍下左右各為亭一所左覆義井右豎石碑前有牌坊額曰矍相之圃中有甬道甃以石長百步

有奇繚以周垣

邑人鄭世威記郡縣之建學以造士也學必有射射必有圃蓋將使之居方習禮崇樹正

比遜之宜熟聲華俎豆之節已又別雋庸核純糝則士之觀於茲者脉脉乎知所勸讓幾於道矣射圃之於學顧弗重歟長樂舊圃瀕學宮西南半里許肇自國初邑侯王遵道嗣潦濕頽圯久且併其地而蝕沒之迄于今茲未有復者隆慶三載蔣侯以名甲科來令吾邑至則抑冗費卻例金右文振學稽士程材環視學宮詢射圃獨闕則惕然傷之曰茲固多士觀德之所也而可獨闕乎謀亟復之乃民之私圃地者故誦侯恩信且慕德教思俾之用底于成悉歸舊址遠廣如誌侯喜曰圃其可興矣于是度資貿材鳩工召役據昔圖而規恢之前闢高閣中構夷堂翼以廊廡輕以寢庭若繚垣若露臺若溝塹若瓊甃焚石無弗佗佗然葺也前堂扁曰觀德寢庭則祀吳侯初泉生像以其立學田新廟器功且不朽多士咸

樂祀之云而學博士林君一鵬王君汝乾陳君邦賓陳君豪
朱君僑偕弟子員鄭子道申鄭子源滄等以侯復學田鼎射
圃其功在多士于前賢有光焉議並祀之侯謝弗居也然輿
情允協其竟克已即是役也始於己已臘月逾年正月竣事
邑之人士懼嘉績之弗彰無以詔於永久相率乞余言而鑿
之石乃進多士而告之曰斯圃不復久矣惟侯蒞政之初首
崇學校脩舉百餘年已廢之緒而襄此盛舉侯誠有造于爾
多士矣爾多士果何以無負於侯哉夫國朝稽古立射非以
崇武也所以風多士而示之鵠也鵠者正也各正其心而已
矣慨自心學既湮士競詞章之習世之所謂正心者則又每
每認物爲理以人心爲道心以氣質爲天性宏濶揣摩玄虛
籠統而程朱窮理實踐之學廢而不講是則所謂舛也心何
由正孔子曰脩身而發不失正鵠其惟賢者乎正心之謂也
又曰括而羽之鏃而砥礪之其入之不益深乎典學之謂也
士進於是則道德功業隨發而中斯其無負於天地四方之
志而我侯新圃作人之功爲益大矣多士勉乎哉知縣蔣以
忠記余蒞吳航甫再旬時督學大夫周檄郡縣士各習射以
待躬較試余曰嘻此有司者之職廢而不脩咎實在余急趨

長樂縣志

卷之五

射圃

十一

射圃議新之未得也乃索邑乘及詢里父老僉謂舊址在南
山之陽去學宮不百武而近中沒於故民某某垂五十載矣
顧未有復者奪於浮議而阻於請託也余曰嘻有是哉召故
民之子若孫諭之汝祖父憐於法而漁吾地食地之毛有年
矣汝亟撤汝籬毀汝垣以還吾故宮之墟吾始貫汝罪弗治
乃故民之子若孫咸縮縮畏法持祖父偽牒稽首獻地如吾
指而坊若堂未有建也余因請於代巡蒙公暨周公以圃餘
隙地售旁舍生鄭源滄輩官估以值令倩工建焉二公謂是
議也官不煩而民甚便亟許之乃畫爲規制臨衢有坊楣曰
嬰相之圃後爲正堂扁曰觀德稍前爲軒顏曰正志旁各爲
房者三左右各爲亭者一中爲甬路甃以石長百步有奇以
具射位最外爲垣視甬路之長倍之而高可三之一鄭生輩
亦欣然趨事不越月而宮墻煥然堂除整刷矣復擇闈者一
人守焉時啓閉戒樵牧也時邑博士陳君豪朱君僑王君汝
乾共典教事謂此舉不可無述遂請文於少司寇環浦鄭先
生碑之而又以碑陰屬余記余讀鄭先生之言備矣余何以
益諸獨念夫取存於旣亡扶興於已墜排羣譁而不恤輕衆
怨而弗顧則予之所任而欲告夫後之人者也尚其相與保

之而弗爲旁睨者所潛蝕則若堂若坊永且弗朽而僅僅一畝之官與邑並垂矣碑將建而博士林君一鵬陳君邦實相繼來代與竣其事若始終觀厥成者王君也故復及之
嗣亭圯牌坊存 國初里人建

關帝廟于其中雍正五年又以觀德堂祀 關帝三代而射圃遂廢乾隆二十四年知縣賀世駿捐俸重脩 關帝廟復闢

射圃于右另建觀德堂三間于上規制長短如舊

互見關帝廟

泮額

廩膳生員二十名

增廣生員二十名

附學生員科歲兩試各取進二十名

武生歲試取進一十五名

現在通學文武生員四百五十

長樂縣志

卷之五

泮額

三

餘人

樂舞生額數

學政全書每學舞用六佾卽照佾舞之數設三

十六名外加四名以備事故更替現在樂舞生二十二名俟

補足

學租

明嘉靖二十九年知縣吳遵以廩額有限而庠士多貧取久廢

觀音巖泉二寺田園共六百六十四畝三分歲入租銀一百

三十二兩有奇悉輸之學分贍諸生燈油及不能婚葬者

邑人

鄭源渙記天地以生人爲心人君以養賢爲務慨自元朝撫運去聖帝明王遐遠孔子之道幾絕而不講所謂養賢以及

萬民者此何以稱焉洪惟我太祖高皇帝繼天立極用夏變夷建彙之始卽立學校特優廩餼道化之隆視三代肆我皇上紹履慶基益弘先烈仰成之效漸於海隅學宮弟子員充斥咸倍蓰於初始而稱海濱鄒魯如吾樂木彬彬然第物產惟磽廩額有定士人之貧者什九雖葬埋婚娶不能如禮簞瓢屢空弗論也嘉靖己酉巡按御史少岳陳公貞度章教興起來學於是吾邑初泉吳侯簡括廢寺田之沒於民間者觀音巖泉共六百六十四畝三分自常賦外凡得金一百二十二兩有奇悉輸之學歲給博士諸生用稱德意上其議於公可之且令立學宮垂示永久庚戌御史元山曾公繼按于閩益隆文教督學鎮山朱公夙崇聖學迺謀諸教諭李君應科訓導何君良弼胡君大韶率主簿王君遂典史林君洞正其畝區減其租額以均惠佃民則壤有三政支事宜有七歲登之籍有二一備諸學官一存諸有司參伍以察奉行惟謹是年春三月告成而屬源渙記其事源渙曰事不泥於迹而得其意者爲善述法有不專於惠而足以勸者爲善經學田非古也使井田而在則廩膳之供亦田而已矣况於常數之外不以官侵不以民奪而大有裨益於君子是不爲善述朝廷

長樂縣志

卷之五

學田

古

養士之意哉學田惠養也士雖不以無養而不學亦未嘗不以有養而益勵且風之所起後有繼焉大爲充擴之遂躍然以鼓譽髦之盛而煥然以成富有之業以熙我國家生生之運無疆之休則養之時義大矣是不爲政之善物歟侯以身率物以廉貞俗惠養吾民成就法理疲癯斃若或始之三年而政成斯舉也不惟得養正之吉而反經闢邪之意寓焉故樂爲之記若夫賢侯錫類之仁以厚望於多士士奮于作德以無負於侯將百世之後嗣稽于太史氏可也侯名遵字公路浙江三十四年督學盧夢陽移租他用隆慶四年知縣之海寧人

蔣以忠申復之歲終分給如前

邑人陳瑞復學田記余邑庠有田以歲給諸生自初泉吳

公始也田出廢寺未幾學憲盧公視閩學移其稅供別費嗣是里胥爲奸民多逋負田屬於學而租固入他室也顧有司去代相繼莫爲省己己夏蘇熟貞菴蔣公來蒞邑留意學校因與邑博陳君松山王公白湖議曰嘻學田名存而實廢奚以田爲賭其廢而因仍弗之省者怠也謂創不在己而弗之復者私也主千金之家者積田以遺其子孫再世鬻矣獨無

望於後之人乎遂力請于代巡蒙公督學周公廼歲徵其稅於學而均給諸生間有貧不能婚不能葬者尤加厚焉諸生相與言曰吾庠有田非初泉公莫創非貞菴公莫復也創者既書石矣復之者可無記其事耶羣請言於余余聞釋老之徒壞形惡服不耕不蠶以自枯槁於山林求識其所謂心性之本根而致其莊嚴之說故其勢不能自衣食而衣食於人儒者謂為斯民之蠹至欲人其人火其書廬其居以行吾聖人之常道夫既欲廬其居矣即廩其田庸何傷此初泉公創之貞菴公復之皆不溺於因果之說而出於興起斯文之盛心也慨自開國即有學自初泉公始有田自貞菴公而復此田創於嘉靖辛亥廢於己卯而復於隆慶庚午貞菴公為政可謂知所先後不為世俗之吏僅斤斤於簿書刑名之間也已是非大有補於初泉公而功加學校惠及青衿者哉諸生聞余言乞書乃書之若夫田畝之籍租賦之額則向有碑陰在矣余姑道復田之始末而且望

後之君子之不廢常如今日也 嗣復為督學取用士之沾惠者鮮 國朝順治間遷界田荒康熙間復報墾二百五十

長樂縣志

卷之五

學田

五

一畝四分零縣徵租銀五十一兩九錢五分歲復候文給廩

貧社師支領

總督姚公啓聖康熙二十二年置學田三十一畝三分零載租

四千四百三十二勛學徵歲給貧士策應月課及胥斗工食

知縣張允齡記學田之設所以崇斯文贍貧乏以為作育人材計甚盛典也從來賢君良佐手闢太平罔不舉而行之是以一時文治蒸蒸丕變後世勸儒道微而養士之風闕然無聞一二單素之子雖欲刻自奮勵其道無由此士風之所以日頽而絃誦之聲往往而絕也閩中人文淵藪自考亭寄跡而後理學輩出下歷有明以逮 國朝文章鉅公蟬聯繼起彬彬稱極盛焉若夫長樂雖藐爾彈丸而全治之日民殷家富人知篤學文各科第甲於他邑後因海寇猖獗朝廷廟算欲行清野之法令敵自困遂舉沿海居民而徙之內地當是時也蕩柝流離全閩皆然而長邑以瀕海危疆其苦

尤甚士散民移書田荒廢甲寅之歲復值逆藩跳梁竊播割據數拾年間亂離踵至人之困阨於斯極矣維時督憲姚公特膺簡命總攝八閩內掌機畧外籌軍務域中妖氛不崇朝而次第剗平公以爲寇逆雖除而界外之播遷失業者猶未歸也屢疏上陳始得所請由是海濱之民咸復故業安集勞來境內安堵而乃鋤豪猾杜健訟興利剔弊凡所以擾害吾殘黎者無不盡爲搜滌稂莠旣去良苗斯生煦育而恩勤之不遑告瘁焉新復之衆于是乎離湯火而就衽席蓋自變亂以來至今茲而始獲樂生之日也然猶以戡定之餘修文是亟而遂生之後勸學爲先閩人士之困於亂也久矣凡茲多士得毋有抱遺編而懸釜與悲者乎得毋有歌哀鴻而餘燼未息者乎文教之興烏可不汲汲圖之爰於閩省伍拾餘屬各計其學之大小捐置膳田以爲貧寒力學之資而長樂亦得以大學大例首邀曠典夫始也掃蕩禍亂爲閩人寧幹止繼也培養士類復爲閩人開文學旣父母之又師保焉閩之人何其厚幸也昔范文正窮居時卽以天下爲已任及其得志能一一行其所學公之文章久已模範當世學士家奉之爲山斗今一旦都榮顯履崇階勲名赫奕振爍今古而

長樂縣志

卷之五

學田

夫

垂念寒微不忘貧士之苦如此其亦不負所學者歟方今朝廷振興斯文加意作人名公大人率屬鼓舞於其中一時風行草偃文治之隆遠駕漢魏唐宋而上之而閩士被公之化尤爲獨深異日佐

天子潤色鴻猷黻盛治文運與國運并臻極軌海內有志之士必聞風而興起者飲泮水而思源公之德且與先師遺澤永壽萬禩矣又豈特閩士之幸而已哉夫宣上德意以作士氣廣教化而貽於無窮有司之職也故於其事之成捐俸鳩工勒諸石以示久遠而附之以記俾後之官斯土者職斯學者合體作養之至意遵而行之以重儒而勸來學並以使長邑士子食公之惠頌公之功皆思服公之教相與勉力問學而無或逸居飽食以羣荒于嬉也庶可與樂觀厥成也夫一田上則一十二畝八分七釐八毫中則四畝九分三釐

九毫坐產三都岱邊鄉土名溝邊橋載租二千八百三十二
一田中則四畝二釐坐產岱邊洋土名車頭窟邊載租

四百六十劬 一田中則七畝九分坐產龍門鄉土名汀沙
浦載租九百劬 一田中則一畝六分土名小頭墩載租二
百四十劬

以上通共八千八百六十四劬

聖誕祭田在洋下載租九百三十六劬 一在嶺口載租三百

劬 知縣鄭置 一在北山載租三百五十九劬 明知縣夏允葵置 一

在元岱載租九十劬 知縣殷鳳梧撥入

以上通共一千六百八十五劬

一嚴湖涓下則田二十畝每畝徵銀一錢五分共租銀三兩

長樂縣志 卷之五 學田 七

熊公祭田 互見廟祀 明萬歷間按司李思誠捐置三畝 記見通判沈祀典

如霖捐置八畝五分零 一在北山載租三百八十五劬

一在洋下載租一百三十劬 一在安前載租一百三十五

劬 一在塔裡載租六百劬

以上共租一千二百五十劬

下櫓橋地租九間半租銀三兩八錢正

五賢祠地租二兩二錢零

夏公祠地租三錢正

懷德祠地租三錢正 以上共租銀六兩六錢零

以上共收租錢一百四十九千廿六文內扣社學祀典八千文實共收租錢一百四十一千廿六文向後店租隨時增酌

一二都龍門洋停車浦上則田三畝八分零每年租穀五百四十斤

以上俱充入吳航書院膏火

一七都蟻埕租三千文 一東關外嶺口地租錢七百文

一十八都蟻苗租一千文

一六都竹田地租四百文

以上四項撥充關帝廟香燈

長樂縣志

卷之五

書院

九

社學在縣治西高隍巷隆慶四年知縣蔣以忠建地深三丈濶

七丈中建書館三間門一座嗣廢

河陽社學在平政門外嘉靖二十八年知縣吳遵立匾嗣被附

近居民佔為土穀神廟中止虛設朱子牌位一座乾隆二十

七年知縣賀世駿通詳奉批歸還社學中間專祀朱子其土

穀神聽居民另廟移祀所有學前官地佔蓋店屋五間每年

接收租息納官除供朱子祀典經費外充入吳航書院膏火

龍南社學在十都

石梁社學在十五都

阜林鄉學在二十都宋里人教授林堦創明洪武十三年林文

溢重建

明郡人吳海記長樂邑南五十里海濱曰祉溪舊有鄉學宋英德府教授林堦子之所創也隘陝弗稱廢

且百年其族孫文溢謀於鄉族乃改卜地于溪之陽曰阜林建禮殿講堂左為列室以肄諸生右為祠堂以崇先賢門庭邃幽廊廡周嚴庖湏完具道無所出里人李麟築田為之地有闕里人林節生奉園足之庀工於洪武十二年冬而竣事於十三年春餘資為田一畝前有湖其芟魚之利入于學既成來徵記于郡人吳海海惟古先聖王化民之政莫重於學而學莫先於鄉自鄉以及閭巷莫不有師師教民孝弟忠信勤力務本民朝夕出入息必稽善而獎之過而禁之故學校為育才之區而鄉閭實首善之地三代盛時其制若此治效安得不隆哉後世視為具文而俗不逮古國朝申嚴其法信謂知所務矣若文溢是舉不惟復三代之德而又廣前人之功於以教子弟而淑鄉人予見其有成也抑予將有告乎為師者夫自孟子沒而聖人之道不明異端權謀術數之言橫流于天下洋溢充塞于數百不能止逮宋周程朱夫子出

長樂縣志

卷之五

書院

三

而繼往聖開來學三才若肇建焉今其遺書家傳人誦然而士大夫心術之微閭閻風俗之舊猶未釋夫權謀術數之習者其故何哉聖賢之道著於書學者不能身體力行徒以空言日之口耳相傳雖多無益顧學莫先於立志志既定然後即物以窮理存心以致知力行以求至惟日孜孜無少間斷則入道有方進德有序聖賢可馴致苟有一毫為利近名之心則非為己之學矣此愚所甚懼焉者願因諸君子謀之他日道成使濱海若洙泗諸君子之力也不肖願承下風崇禎十三年圯知縣夏允彝重修溢孫林大任林日著董其事

鄉飲酒禮

鄉賓耆壽

恩給品服附

孟春之望孟冬之朔舉行於學宮預擇年高德劭者為賓介至期知縣率僚屬敦請至學迎於庠門外三揖三讓升堂拜訖舉律令案於堂中賓主皆拱立讀者詣案北面讀律令畢具

饌酌侑以雅樂飲訖賓主兩拜送賓三揖出庠門

鄉飲正賓

順治

陳彝訓 五年

鄭敬琪 九年

林維揮 有傳

陳服孔 十七年

林仁 壺井人

董雲樂 前董人

康熙

鄭聞京 三年

陳守一 號麓瓊十六都人八年

陳思捷 九年

王一曾 十一年

劉廷選 十七年

陳鳳鏘 十九年

陳舜卿 二十一年

陳繼嗣 有傳二十三年

林維搢

陳仕雅 字道月十四都人

長樂縣志

卷之五

鄉賓

三

陳侃臣 三十年

陳宋祚 三十一年

陳文聰 三十年

林梯雲 三十年

高挺孟 三十年

劉光東 三十八年

黃子訓 三十年

李元台 三十年

董行健 字以咸號乾元前董人四十年

鄭敬璽 四十年

黃朝燦 四十年

池汝霖 字孝雨新池人四十年

陳守泰 有傳五十年

林鳳翀 五十年

陳兆璋 五十二年

陳善聘 五十二年

蔣士爵 五十六年

陳有梓

雍正

陳玉璋 字仁叢取青人林仕長 字德祥沙堤人六年

介賓

康熙

鄭恒循 四年

陳道奇

李喬南 十七年

陳邦佐 十七年

李德成 十八年

鄭純覺 二十七年

林茂蒸 二十七年

高鏗 三十年

高漢焜

李仕珍

鄭聞誌

卓紹忠

卓至尚 仙山人

黃錫卿

周士登

李仕珽

鄭應汶

鄭正泗

王正閻

阮應增

陳孝騰

吳兆萌 字君生 溇厦人

鄭世矩

鄭必逢 古槐人

鄭良縉

鄭純璋

張文宗

林嗣居

林鳳舉 字茂輝 魁嶺人

雍正

長樂縣志

卷之五 介賓

三

黃彩雲

張濡

李宗

劉國燦 字輝 哲山人

乾隆

劉貽遠 字以書 湖東人

高崙

鄭會豐 字厚佳 塘下人 二十六年

林榮 字克耀 二十六年

眾賓

鄭光裕 二都人

陳隆典 字式憲 東隅人

鄭國輔 二都人

林煜高 字受 祿林

開

以上俱二 十六年

林必潤 字允富 沙堤人

林以傅 五都人

鄭元燦 四都人

陳士準 字亨 平十

三都 人

以上俱二 十七年

耆壽

李朝綜 庠生 仙山人 年九十 恩給八品頂帶 林國仕 庠生 年八十九 歲 東隅人 恩給八品頂帶

樊 鈿 字必選 六都人 壽百歲 知縣 高克藩 匾曰百歲堂

王復聚 梅花人 壽百有五歲 知縣 殷鳳梧 旌 以甘谷 長年 乾隆四年奉 旨建坊

恩給品服

鄭敬廣 字復寬 西隅人 雍正三年 以勤儉 務本 舉為農官

陳邦祚 字孝任 雲路人 雍正三年 以勤儉 務本 舉為農官

陳行燧 二都人 以好行善事 恩給九品頂帶

陳觀成 字義仁 西隅人 以運米賑 饑 恩給九品頂帶

長樂縣志

卷之五

恩給品服